

還京草

還京草小引

中日戰中日人慮國際染指以遠交近攻之計
聯德擊俄自襲珍珠港之美艦殲之英美警場
始與我盟而形成世界戰之壁壘矣美以原子
飛炸長崎日人困於八年寇華力已疲盡遂降
失地復收次年路通買舟吳下杜少陵出峽狂
喜余以瘡痍滿目殷憂正深也忠款切切發於

歌詠曰還京草

雪廬詩集

授下李豔炳南著

還京草

朝天門津渡待發

日夜歸心向秣陵，小船津渡話秋燈。
還家也墜雙行淚，執手難分十載朋。
燕子磯頭詩興滿，鳳凰臺上夢魂登。
此行無限鄉關意，不比尊壚張季鷹。

留贈江上送別諸友

江干宿霧霽，掛席別交遊。
逐漸層波隔，難避一酌留。
人憐日西挽，船恨水東流。
白下同巴蜀，徘徊兩處愁。

代鈔
過峽四首

奇峰千疊黯朝暉
颯颯歸帆轉翠微
一峽白雲輕似雪
時看流去挾山飛

掃雲含雨碧叢叢
舉袖當窗話舊踪
記得峽名三十六
幾多巖岫似初逢

嵐氣灘聲滿客帆
更聽猿嘯度重巖
不比來時多苦緒
也垂清淚溼秋衫

風撼逆波連峽愁
千回百轉挽行舟
還似主人遮客住
不教直放向東流

代鈔
出峽

江山偶結小因緣回首三巴意自憐
山有盡時青在眼江無歇住送歸船

代鈔

中秋歸舟夜宿荊州

元宵十載舊曾遊歸櫂重玩此夜秋
兩度人間好明月恨他都照古荊州

代鈔

小姑山

烟鬟鬟娜照篷窗過眼名山可有雙
憶到故園華不注愁心片片逐秋江

代鈔

牛渚

牛渚江頭月色多詩人幾代發清歌
殘楓猶見秋帆末落

葉已隨今日波

代鈔
還京

野煙初靖草初平
往事殷勤訪舊城
秋社還飛王謝燕
新墻半臥越胡兵
願聞高位登賢士
渴待甘霖慰衆生
自是興存應聚養
非關報恨沼東瀛

代鈔
酬劉鴻甫贈詩兼次韻

淵淵經藏入能深
靜對檀鑪仔細吟
聖果早從三劫證
虛空不受八風侵
燄燄遍燒大千界
甘露總源無量心
知有稱揚皆是錯
自非名相可追尋

代鈔
客寓劉鴻甫園第有贈

廬山早仰仲思賢此日攀龍亦夙緣各捧葵心師木瀆獨
慚萍跡借林泉拈詩不落人間語佇月能參指外禪祿未
園蔬時有贈南樓那復憶青甌

小圃

小圃臨官道秋蔬貼廢垣豪華全粉盡斷續草蟲繁筧短
接雙樞橋殘橫一轅佇聽聲唧唧似有鬼煩冤

鳳遊寺

即鳳凰台舊址

古寺曾傳舊有臺鳳凰遊去謫仙來三山二水尋何處落
葉歸雲尚作堆佛畫半經蟬網滅貝篇猶為野風開盪胸
多少前朝事俱似江流挽不回

金陵懷古十詠

代鈔
建業城

地險何曾利人謀却早輸三分甘棄蜀二士已吞吳王氣
秋雲盡石城衰草蕪不堪沉鐵鎖臣妾晉王都

代鈔
周孝侯讀書臺

荒臺依佛寺蔓草露華濃月夜虛墳典霜天度梵鐘人今
溺洪水誰更斬蛟龍朝有奸權在忠貞未許容

代鈔
阮步兵墓

寒蛩泣曉露蔬圃擁荒邱白眼宜君傲窮途到我愁竹林
多七子文苑獨千秋俯仰今何世三緘慎舌喉

代鈔
新亭

新亭初拄杖感慨憶前賢
拾級雖今日霓襟自昔年
人心多愀惘禹貢半腥羶
無限河山淚蒼蒼欲暮天

代鈔
圍碁別墅

謝傅乾坤度苻堅
蟻聚兵投鞭空斷水
折屐本無情敵衆
心能制機先事不驚
有誰知此意談笑指碁枰

代鈔
雞鳴寺

梵刹紺琳在蕭梁迹已陳
高僧來上座名士聚微塵
日出蓮花淨烟開柳色新
萬家鐘磬裏猶似六朝人

代鈔
胭脂井

猶覺留香膩，凭欄動古懷。
風流隋世子，兵為美人來。
淚到興亡墜，樽須花月開。
景陽宮殿杳，過客日徘徊。

代鈔

明故宮

四海混一後，帝都初建時。
幽燕兵自勁，龍虎地何為。
王業控諸夏，偏安權在茲。
偶然肥水戰，倣滅秦師。

代鈔

方正學墓

已知縲絏去，決志不求存。
書有燕人篡，名惟惠帝尊。
二臣儒所恥，十族罪何云。
碧蘚華岡滿，還疑血濺痕。

代鈔

毘盧寺

洪楊亂後為死亡軍民建也

焚殺天何在，名城盡作墟。
變風從此始，侮聖到無餘。
闔獻

心仍古，曾胡檄，輒疏欲憑。新建寺，寃鬼度真如。

絮

春店柳花如雪狂，團團來去鬥斜陽。憐君無託同遊子，一染風塵迷故鄉。

還京逢清明

三峽江流浪始平，今逢白下過清明。絃歌九陌人沉醉，猶似滄州霧裏行。

鄉夢

春風春雨最無情，一夜瀟瀟滿郡城。曉枕乍驚鄉夢斷，隔牆吹入賣花聲。

晚歸

春城如織馬蹄飛
月上回車坐掩扉
吳語隔窗聽不斷
歸來還是未曾歸

代鈔

胭脂井憑吊

六朝宮殿向黃昏
霸業柔情白下門
底事胭脂猶有井
王公血淚美人魂

代鈔

雨花台

幾處筆墨痕
野棠花謝柳條青
亂塚遙連木末亭
六代如烟春似夢
烏以派草端已
啼姜光卓時保人去雨冥冥

為老和尚何處
得來和南二二(邊)

燕子磯

孤嶼疑飛起，天風去有聲。
帆檣浦口市，烟雨石頭城。
花墜閑僧舍，蘚封空虜營。
興衰足感慨，雪浪一江鳴。

三秋夜

清宵纔滅讀書釭，枕簟如泓暑氣降。
露下梧桐飄一葉，數聲蟲語月臨窗。

雁字二首

大手文章寫碧天，淋漓字字扶雲煙。
才華不斂全驚世，曳白衡陽半幅牋。

一行斜墨右軍兵，落筆無多陣已成。
天上飛來聞叱咤，風雲開處勢縱橫。

勝棋樓

凭欄極目覺蕭條，懶把雄圖話舊朝。
不信功名終古在，澄教黑白一枰消。
殘荷秋水時窺鷁，衰柳高門晚集鷗。
况是於今無國手，湖山隨處屬漁樵。

謁玄奘法師頂骨塔

師骨原瘞長安，唐末世亂遷於終南山。
麓宋初奏請迎至金陵，久湮其跡。
民國三十四年春築路得之中華門外長干寺中華門，即明代之聚寶門也。
今改葬於城內玄武山之巔，其上立塔前起殿九楹，左與雞鳴寺遙望，頗具勝概。

天幸清飈吹梵鈴，猶疑香刹正。緜經數壇野草，凝烟碧結。
蓋龍雲帶雨，腥雁塔，荆榛傷喪亂。流沙霜雪，想威靈空音。
似說西來，意淨埽，每吾久坐聽。

白鷺洲二首

故鄉烟水闊，落落不闕情。一鷺寒汀立，幽思觸境生。詩從
黃鶴變，地以謫仙名。多少滄桑事，斜陽白下城。

客眼浮雲外，三山聳翠微。古今情有似，鄉國意多違。洲渚
落秋水，荻蘆搖素暈。鳳凰臺上望，疑是鷺行飛。

望江思巴縣舊友

江從巴峽至，中有故人波。我欲汲來認一瓢，愁幾多。

聞所答

中興開濟問何如
宗教倫常次第除
言語衣冠有新鼎
令人不讀古人書

京華過後多巴山老友亂後重逢執情益見

秦越不相識
巴山曾結隣
地荒通借貸
空警共酸辛
難得遊吳苑
還同作寓人
臺城攜手處
楊柳笑分春

還鄉檢所采紅豆擬贈親友

飄零十載賸羞囊
喜見烽烟靖四方
禹里青山書舊恨
一封紅豆治歸裝
重拈轉覺思南國
初采曾牽夢故鄉
如水客愁言不盡
君看淚結此珠光

彭城懷古

只有拔山力，曾無安世才。
一增猶不用，三傑况難摧。
鎖鑰關河少，烟塵輜輜來。
兵家征戰地，豈可作蓬萊。

放鶴亭

雲外山仍在，亭前鶴已空。
文章有元氣，車馬慕高風。
密樹連烟郭，層巒擁梵宮。
滄桑自今古，歸去夢蘇翁。

快哉亭

快哉亭記在黃州而徐亦建亭題詞快哉過客非之

名在何妨信，隨緣快我遊。
曾聞賦赤壁，戲語說黃州。
柳榭閑聽鳥，荷塘好放舟。
任他稽古者，文獻去追求。

彭人約觀跳舞謝之

半掩琵琶面尚羞
故屏人盡縱風流
誰憐金谷欄杆外
霜月年年燕子樓

燕子樓二首

如玉人空尚有樓
清淮嗚咽共千秋
貞心便是淮中水
不改綿綿到海流

愛妓難加禮教名
錯將薄倖說人生
花間多羨隨緣鳥
幾箇時流解定情

弔時節度使

唐時溥守徐為未溫所攻登燕子樓自焚

使節登臨拜美人
河山破碎淚霑巾
封疆燕子樓猶在
對此堪羞作二臣

北來

水村山郭江南盡，平野長林北地來。
奇絕當頭天一片，蒼蒼更向外圍開。

登兗州少陵臺

少陵已去賸荒臺，尚有浮雲海岱來。
我避先生東郡樂，却贏天寶亂離哀。

寇平陪孔上公返魯三首

昌平喬木故園思，驛路迢迢夕日遲。
白髮北來重試馬，猶堪飛去射楊枝。

金口隄頭喚渡船，涼風滿樹水平川。
回看馬背斜陽滅，纔

近荒城月上弦

歸車漸欲近宮牆
月下時聞松柏香
正似文公還晉國
喜中也灑淚雙行

重過九槐書屋懷莊師心如二首

余同心師於賈園
情縣來時曹病今
過曲漫病次首
感此作也

書堆狼藉小窗前
款話平生轉悄然
獨有九槐枝上月
照人還似舊時圓

無端示現病維摩
曹記賈園扶杖過
風雨滿庭春寂寂
朝來也自落花多

泡

驟雨中庭水萬泡
南埽繞滿北埽清
誰家巧女能收起
穿作珠裙圍細腰

訪隨園故跡

十畝林間踏黃葉
斜陽洲畔問歸樵
理迷芳徑淡於水
苔掩秋墳燼似瓢
詞客至今傳大手
吟魂何處教紅銷
風燈一代舊池館
惟見古柯盤皂鵞

詠詩十四首

鼓刀磨劍不平氣
鬱塞胸中化作詩
世事如桑千萬樹
春蠶纔吐一行絲

非病非病意何云無那長途夜色昏莫怪杜鵑啼不住夢
中多少未歸魂

取次興亡紀歲華空餘形影却無家故人惟有詩囊伴顛
倒山涯與水涯

五柳先生別有琴無絃未息欲鳴心余心多與七絃似不
去書空來苦吟

謫仙澆酒更多愁未若百篇吟不休一語借來成妙悟寧
辭閉戶作詩囚

高歌斫劍莫纏綿磊塊橫胸或化煙壯氣纔凌牛斗上柔
情又喚奈何天

那有情懷咏風月偶然相遇便相親被他老暢深勾引此
際何能不吐真

早與時違不上書狂歌放浪氣豪粗乾坤周匝皆詩境阮
籍如何哭末途

前境吟成後境開突然核在果中胎抑愁強作沙沉水只
酌一瓢全涌來

清宵禹感湧秋瀾往復長吟燭半殘突破情天語隨淚回
甘滋味是辛酸

好句飛來也自驚仰天投筆淚縱橫沾襟別味濃於酒多
少温存不可名

寸心愁起百尋高，直似滔天江上潮。
一首詩成禹強弩，錢塘兩岸漲全消。

四十餘年覓句中，推敲與補古書同。
未能警校無訛字，始對前人拜下風。

靜觀天地本無私，一任春秋蟲鳥啼。
善政雖除文字獄，莫傷忠厚話雲泥。

無題

列國爭雄久，乾坤鑄錯初。
俄人從徵倖，監子定何如。
冠蓋心多鄙，蠻夷眼未舒。
西湖猶是宋，還可任騎驢。

時憂

似爲美人馬
歇爾聯俄狀
共而作
家麟奉聞

結句指家中人
而望金陵也非
作者自謂
家麻恭問

十載家山夢朝朝雲萬層荒天獨嘯傲秋葉共飄零禹甸
三分鼎胡盟九仞冰時憂負骨肉淚眼望金陵

秦淮河畔晚眺

衰柳淺沙燈火稀連橋數里晚煙迷零丁歌扇舫中醉隱
約宿鴉枝上啼宮漏跡陳星箭落珠簾事杳月鉤低更無
商女隔江唱杜牧情懷空雪泥

心會

誰信修羅力能降帝釋天雕戈紛界內慧眼定池邊隨處
波常靜無時月不圓此襟心有會一笑境湛然

詠史

金湯不闕地奇士或非書吳王志圖霸一劍由專諸專諸
亦鷹犬發縱惟子昏夫差不象賢心脅疑且疏讒入宗臣
死伯雍祀遂除江浪日汹涌嶋夷恨有餘宮庭輩臣妾蔽
面竟何如

還京後鄉路猶阻寄慨

帆渡黃牛峽人來白鷺洲燒痕萬方里客路十年秋
輦轂仍殘破河山半未收此中多少恨可斷大江流

夕過古林寺

紺宮隱深樹清磬出寒煙苔滑陂陀路燈明兜率天
法音花正落僧指月初圓隨喜蒲團上來參半夕禪

所見二首

千里伏屍新戰場
塵沙黯黯蔽天黃
眼前多少傷心事
贏得他年話夕陽

蜂王蟻帝各稱尊
總是么蟲濁色身
廁隙廐檐誇上國
不知天外轉金輪

俠客二首

只有恩讐重
由來性命輕
世間多少事
一劍最分明
不必留名姓
是非天下心
願君共肝膽
寶劍定知音

晏

日高霞散迥
清晨理罷荒
燕羨比鄰荷
鋪自傷時已
晚村

中猶有未醒人

戰後陪孔上公三返曲阜以濟路尚阻難歸感賦

江山已喜靖胡沙
三返鄉閭不及家
遙天心似難收箭
平地寇如未績麻
村郭寂寥秋草蔓
狐鼯跳擲夕陽斜
竊客最堪哀
庾信無端橐筆虜
清華

荆榛

城頭驛路蔓荆榛
十步顛顛欲折輪
魑魅有聲杖屨雨
豺狼無忌晝窺人
連阡久已盤根固
隻手徒勞鈍斧頻
自必祝融行猛政
方教大地出沉淪

還家四首

抵里情先熱，升階淚暗彈。
雖逢荆樹茂，還痛竹雲寒。
親友遠來問，瓜茶強作歡。
流亾十年事，含混說平安。

只有藜蒿在，更無松菊存。
塵緣總是幻，癡念偶留痕。
忽後寒帷坐，時還擁帚蹲。
兒童迎我意，汲水灌花盆。

飯後團團坐，挑燈各有陳。
四隅聲斷續，一例道酸辛。
赤縣同沉陸，蒼生半涸鱗。
寧能希高克，惹我笑癡人。

湖山本舊侶，峭瘦減容光。
苦恨着秋雨，更憐沉夕陽。
聊勝蘇子隱，欲遣未家裝。
人事如何似，歸來倍自傷。

濟垣雜興八首

依舊門前石板橋，天西新月挂楊梢。
回頭五十年間事，未

息干戈第四朝

萬里歸來訪舊鄰
百家不見十家存
垂楊流水情如昨
祇是詩痕與畫痕

深巷風高入市聲
但聽腔調便知名
今宵觸起愁無限
苦憶冠裳舊太平

童時蕭寺借書齋
讀到殘冬負笈回
愛趁清閒元日後
邀人踏雪看松來

忽遇當年同硯僧
胸懸穗子手扶藤
拍肩喜極無拘束
脫口還將小字稱

簪纓劍珮德王宮
付與胡人一炬紅
嗚咽珍珠泉水畔
晚

鵝排陣戰秋風

菊花團紫柿丹黃野客挑來擔擔霜風帽蹇驢山上去難
逢故里度重陽

相邀佛火結因緣說法談經花雨天梵韻不隨人去滅廣
長七二響流泉

由濟統青飛京二首

東來地盡見三山隱現滄波縹緲間不畝停雲驚下界恐
勞迎迓列仙班

逍遙偶作九天遊統座輕雷漸欲收下視人間城郭近清
淮黃葉秣陵秋

靈巖印光大師靈骨入塔

吾師大雄姿乘願入娑婆偶現比丘相眾山仰紅螺聖教
雷末法羣言淆以訛玄談要時譽數寶欺自他迷子在歧
路奚從取視摩茫茫大千內昏海翻狂波金臂持明炬笠
鞋遍闔河宗風振淨土九界登慈舸蟻蝎蛇輩及門氣
轉和持此皈依心信能化干戈世間出世間補益等無頗
逢開十三乘再見真僧伽有缘度已盡示寂靈巖阿法身
雖無相遺範尚巍峩浮圖逼象緯舍利光交羅隨喜繞周
匝稱名一剎那皆得成佛道西歸九蓮窠此中有權巧私
淑功不磨冥加淨脩人親炙豈殊科者空天龍眾萬億恒

沙多我具戒定香
普供不媿嬰劫數
累僧祇神威永馮呵
後來見聞者猶得持
綸陀莊嚴應如是大
德意云何諸佛
證斯言悉檀薩婆訶

強小競六十初度

早厭塵緣歇詩酒
長局小閣守心齋
流風不肯隨時彥
古道何妨說我儕
春訊昨從江上寄
美人遙向月中懷
花週未必鬚眉換
騎馬幾回思到階

贈楊鶴汀丈

儒冠曾繼武城賢
老學長生息世緣
惠政通和花一縣
道心清澈月中天
江干車馬新桃李
海內詩歌古管絃
偶向

上都同作客欣遂渴仰識彭錢

送別孔上公赴美考察文化二首

花開紐約海西春風雨白門愁煞人
聞說遠行心早亂不
從臨別始霑巾

迢迢銀漢使槎通
料有羣英宴白宮
且止胡琴與羌笛
應教木鐸振春風

離緒

江城絲雨日綿綿
客袖牽風怯倚欄
萬井烟花暝色裏
幾家離緒觸春寒

和孔上公憶巴山採蕨步韻

巴江巴峽夢依依採向深雲遠不辭難得天真諸弟妹筠
籃每送午餐時

代鈔

白門寒食蒔花回憶

無家插柳東風裏借地蒔花廢寺旁節候從他撩苦緒萍
蹤率意逗春光官厨聞禁石城火馬骨新封榆塞霜回首
十年巴道路依然人事感蒼涼

應邀赴丰山村友人家度寒食

清晨聞剝啄童子寄書來寒食江天霽丰山桃李開客中
邀舊雨甕底瀝新醅門外巾車具行行不可推

遊春

山齋宵雨霽早起為花遊江嶂暮烟合遲歸因月留徒增
詩酒債未遣亂離愁桃李滿南國何如開汴州

代鈔

墓楊

寶美注白楊落葉喬木墓田多植之春時吐花穗穗作管狀長
一二寸色殷紫萎落後葉生

寒食東風吹墓楊墜花殷紫寸條長似非枝上啼鶉血疑
是人家哭斷腸

春寒二首

茅屋茶煙細雨中砂餅斜插杏花紅江南也有春寒在剪
燭添衣緒不同

夜窗繁響雨如彈愛惜疏櫺紙未乾楊柳風來莫吹破雙
棲梁燕不禁寒

出門

出門何所適楊柳水之涯東風吹落絮飛去入誰家

今子夜歌

淒其夜色金陵城深巷滴瀝殘雨聲纔斷復續續還斷倏
遠條近風曳行靜聆始辨度歌曲哀長思永不勝情素婦
娼女各幽怨空帷來去風繾綣一人泣訴細於絲嗚咽呻
吟和者禹京華初收新歲月北里遺音誰所獻予粗解音
不精律清濁皮相知尚易類物宣氣時有愆洛陽橋上杜
鵑至情生天地吹禹形潛機交感通乎靈羯鼓一擊百花
放蟲鳥能唱魚龍聽觀樂豈必吳李札歡笑悲哭無還庭

漫道調從西胡，不關國祚興與喪。客宵綺窗對春燈，已
灑涕淚滿襟。上憑君慎，莫奏軍前戰士於今枕戈眠。

讀史二首

擊案嘗疑史筆斜，千秋未必記無差。如何姝色不亡國，只
有莊姜陰麗華。華按今音讀

濃抹淡妝朝至尊，傾城傾國更銷魂。怪他酥體白於玉，偏
為史書留血痕。

送楊子餘赴上饒

勸子應多住，他遊未是歸。雖來今雨聚，已與故人違。吳苑
碧桃笑，隋堤黃鳥飛。如何挂帆去，不共醉春暉。

落花

渡口紅飛去飄飄
鬥夕陽平明風雨過
昨日螻蜂忙馬背
懶舒眼樓頭空斷腸
春歸多少恨逐水煥文章

江上觀水

君看眼前水竟無一滴存
西從天際來還向東天噴
來去不相續中間豈留痕
胡為抽刀斷斷空真戲
論我愁亦如是細
寬安有源忽焉若心悟
適遙卧北軒東坡乃辭人
水月非知言解則當下解
辯則語徒繁

遊玄武湖

涼颺滿衣襟
瀟瀟棹綠水彩虹橫
舟前飛橋峻嶒起
倒影

漣漪中交光月相似洞天三十六或者一於此長行翠蒂
拖挽之入其裏汀洲籠淡煙花竹連芳芷菡萏紅深處香
風吹數里時聞嬌歌來不為采蓮子南國尚簾櫳管絃託
仙史夕陽山漸暝欲作桃源止

有以時尚文尊我者作此謝之

貧且不折腰文胡求媚時情發聲自吐悠悠寫所思但能
紆直蘊不甚修其辭譽至從未喜毀來何有悲濠上觀魚
躍任人昧與知知則相視笑皓月印清池昧則顧言他佯
狂或白癡日月異冷暖辯爭無可為

雞鳴寺憑眺玄武湖

此地何瀟灑湖山似濟南荷葉田田柳毵毵衆峰繞郭青
且藍招提憑陵雉堞上秀色千里眼中涵故鄉城北雙峯
峙鵲華蒼蒼鎖煙水亦有古剎聳城頭鐘聲遠度荷花裏
江南好濟南好為客不如歸去早如何不歸去烟塵未靖
掃都門醉筵歌胡馬牧秋草恨悠悠思悠悠湖山不與人
共愁俯仰六代杳春夢波還漲綠雲還留嗚呼不知此地
明年荷生日書劍天涯何處遊

華筵

美酒高樓杯各傾余來宛若定中僧偶逢絃管隨緣戲別
有林丘得意朋剡縣山川鬢秀麗敬亭雲鳥看飛騰羣賢

醒醉歡譁裏十二闌干獨去凭

王氣

江山還是舊王氣幾時收
六代非宵夢孤帆今日遊
看誰護新鼎出類障中流
運祚從何定乾坤一箸籌

花影

隔牖舞姿婆娑撩人情已多
露風飽幾許香色豔如何
淡淡詩中畫悠悠水上波
還應佇軒外月下看姮娥

送友人歸川

風正揚帆好江邊獨立連川東
十年別白下數行詩落月
峽猿淚秋燈瀝酒卮那堪回首
話姑負喚鷓鴣時

江干放生

江濤天際接茫茫今幸贖君還故鄉快向龍門離網罟莫
來人世作羹湯騰雲應沛乾時雨蟄處須扶逆水航仗此
因緣歸八部經筵好去護空王

重九懷人

來時有約菊花開菊已開時人未來時正重陽詩正健菊
盈紗帽酒盈杯

重陽戲以菊插帽

蕭齋何事過重陽折得籬邊菊有香插帽元非能壓我讓
他去傲鬢毛霜

拙懶

垂老世還亂，不能返舊林。
筆耕博食粟，樹懶違素心。
幸得主人賢，言欲共披襟。
相憐拙且懶，行不課苔岑。
自問何所好，無以宣其忱。
偶酌參寥酒，時眠五柳琴。

參寥不酒，代以栗湯。

南樓秋思

秋日晴且爽，登樓看遠山。
天青吞江樹，時有雁北還。
涼颼滿襟袖，悠然念鄉關。
驛路連河水，迢迢千百彎。
山雲疊峰起，變幻長空間。
飄飄有來去，態比客心閑。

憶濟南七十二泉

江澄色仍濁，泉流波更清。
灑灑濟南地，甘泉七十二。
名我遊

數萬里曾見百都城此中無偏好淨潔難與爭玉壺淪新
茶惜之不濯纓今飲建業水悠悠故鄉情

代鈔

秦淮河

衰柳含烟籠畫舸秦淮絲管夜來歌月鈎雲幕情天下人
與國魂銷幾多

下
不喜
問

訪僧

人若黃花心若冰好過蕭寺訪高僧相逢不必專談道
盡清茶斷葛藤

七夕習俗盒藏蜘蛛視其結網以兆乞巧

瓜果庭前風露多七襄今夕已停梭盒中惟有蜘蛛巧暗

向人間織網羅

思蜀

檻外斜陽鎖畫舸
西江如穀漲春波
此間雖樂仍思蜀
巴水巴山舊雨多

鬱金堂

居人指點鬱金堂
海燕巢空徑草荒
時有吳愁湖水外
飛來柳絮作顛狂

有詩

還京錯擬愁消盡
今日如何尚有詩
試上高臺看北斗
秋風吹鬢又凋絲

杞憂五首

代鈔
毒草

胡人採毒草求售誇返魂狂童惑其誘拱手招玉門敢嘗
號時彥或却譏老昏飲之何所愈夜氣從不存風聲殺為
貴骨肉讐無恩好怪自有述囂囂難與論寧非皇極盡混
沌沒乾坤

代鈔
美人

西方有美人麗質多窈窕雪胸大珠垂玉腕寶鑽繞笑語
出朱樓花枝轉黃鳥共結海山盟歡娛忘昏曉北鄰輕薄
兒莠言來相挑雲雨或翻覆恩怨難自了恐負白頭期前

途各杳杳

代鈔
依人

弱邦難自立事楚還事秦事之寧得保腴顏徒苦辛秦風
不重義楚習多逡巡風謠合謀我類異非交親處危有效
死雖屈仍可申苟能制時機何必依於人百里與七十天
下皆歸仁况今一四海廣土偕衆民

代鈔
焚坑

天性蘊彝倫發之自成序聖人順其然尋繹為經語萬物
秉皆同靜觀等脗與此中有梟獍不共羣生侶縱恣倡焚
坑皋比先贊許真性沉九淵詩書付一炬移俗趨顛狂枉

民失措舉六朝舊宮闕恐見茂禾黍元首誠睿明輔弼非
心膂

代鈔
壟斷

草木生自茂何勞日移栽握苗助之長適所戕其材民食
由官配黃金歸庫財猾伯乘壟斷騷然成巨災嘉禾秀雙
穗餓殍填塵埃隔江望強敵秣礪屯燕臺問我恃何戰邦
本正虺隤孔桑古所詬今日嗟爾才

秋月

四十年間萬里遊家山客路不同秋只為天邊有雙月一
輪瀟灑一輪愁

中秋夜陰雨

中秋興減雨絲絲，孤負人間仰望時。
安得長颺剪刀利，快然揭去障天帷。

山寺

愛往破山寺，閑參無字禪。
羣峰遮去鳥，衆壑納飛泉。
虎起鳴雷路，僧來笑仰天。
溪橋分手處，野竹綠搖烟。

山僧二首

山衲威儀短，談經謝少聞。
朝擔一肩水，夜卧半牀雲。
體貌得醇樸，歡言無飾文。
茅庵坐諷誦，花雨自紛紛。

歸來收杖笠，煨芋說因緣。
帝捨鉢中飯，不言囊底錢。
心儀

薄朱戶身愧累青氈何貴通三戒滔滔峽水懸

未識

未識誰先天下憂書生何事廣交遊聯吟自有松三徑對
酌常延月一樓烽火邊疆思猛士烟塘國步誤時流弦高
燭武同遺野我亦草茅空白頭

登鍾山

出門何所適遠上戴金山我意在懷古徘徊二陵間王興
五百載抗禮無愧顏西傾告軒皇吾州賴重還松杉蒼鬱鬱
鬱裙屐來閑閑下瞰千雉堞石城廣且響烟塵暗冀北搔
首思鄉關江水若衣帶誰同濟時艱

紅葉經籤歌

灞橋風雪驢子背扁舟春晴柳塘內詩思半從畫境生畫
境先在心中續好看紅葉傍晚山騷人似亦為詩愛我今
不遊倚虛窗夜誦靜對瑠璃缸細縲數翻紅葉墜咫尺風
霜冷吳江脉絡雖乾色仍豔破為佛綴珊瑚幢昔年巴蜀
棲巖登丹楓秋曉檐際落拾取戲當書中籤聊助讀誦無
舛錯中笥載濤遠攜來林邱烟霞恍如昨良宵忽逢梵筵
間鑪檀初爇人掩關畫歎詩歎境皆絕別有感觸心安閑
乾坤巨冊身片葉同是一寄輸朱顏我曾戲君誰戲我世
上如經幾劫火微幸結伴俱有依悟機何妨自印可開門

霜景月中飛，碎溼隨風右復左。

與友人論詩

字句何能避古人，抒情撫景不同塵。恒沙世界恒沙境，日
日吟詩總是新。

新體詩

年來脫却漢衣冠，胡服裝成愛自看。在我非新他是舊，原
無創作學邯鄲。

時宜

時宜本是時髦事，涇渭何妨各自流。有遇盜泉甘不飲，任
君騎鶴上揚州。

庭有高樹

庭中有高樹，枝葉覆比鄰。
綠陰障炎日，下坐來涼人。
秋霜凋黃葉，叟婦隔牆聽。
急趨致歉意，持帚為埽塵。
寒夜勁風起，折枝墜其垠。
倉皇向之謝，彼已作炊薪。
笑言物有主，乃在其地陳。
世情似雲巧，變幻何太頻。
喜怒誰使然，草木竟通神。
依有錢能通神之語

白杜鵑花

喪家亡國何招魂，化作鵑鳥啼黃昏。
啼血灑地變草木，花開斑斕殷血痕。
亦雜數株白於雪，乃是冷淚成冰結。
此中飲恨知多少，請君試問九州鐵。

代鈔
昌維之圍守軍多為民兵屢求援而不至於時當局
適有取消民間武力之謀

北方多俠客重義常輕身然諾指山岳艱危不負人孤城
回無援把臂呼張巡誰愛堅貞士棄如芥與塵慨慷為君
歌所事匪其親安得西江水恐同鮑魚鄰藩籬跳斥鷃豈
是遠圖倫

代鈔
兗州久圍不解亦同昌維之役援軍不前

古兗城邊戰血腥昌維恨事奮曾經誰能衣錦不還里枉
信乞師須哭庭日落荒原車跡亂風悲隘巷劍鋒青蒼生
安得魯連箭一射狼烟歸息寧

聞濟南失陷三首

徒抱靈筠恨難求子貢才遙瞻墳墓國高築觸髅臺心欲
凌風去人方呵壁來天閻無處叩黯黯障塵埃

增我離憂淚天涯多問書曾傳墜城郭復敢卜田廬南北
途猶梗穴祥語或虛殷勤謝友好持此報瓊琚

何事棄家去威休慚未同秋襟兩行淚客路一衰翁骨肉
狼煙外興亡蝶夢中江天多雁字為我日書空

徐蚌之圍

自壞屏藩盡南都計大非只憑江塞險欲障敵軍飛謀慮
老成去風沙殘騎歸千村化烽火有淚不勝揮

雜咏五首

宇宙茫茫似鼎翻，避秦無處覓桃源。
蘭臺慣作王侯紀，不信史官解立言。

情他應手總猶疑，不待局終機已知。
試看全盤投子處，從無一着是生基。

已覺行藏與世疏，華顛未肯卧江湖。
休辭瓢水難為用，也灌堦埤寸草蘇。

青蓮花下禮金顏，妙法宣揚出世間。
莫笑茅庵如斗大，終勝聚石虎丘山。

還留竊孔遁脩羅，天上人間洗劍戈。
但使太平安宇宙，故

停進逐示恩波

亂中江南值雪二首

寒樹連空雪作花，戎旗翻捲背風斜。
傷心依舊秦淮水，冷落樓臺噪晚鴉。

江城景色歲將闌，回首鄉園欲話難。
為問天涯風雪夜，不知多少客衣寒。

南遷

歌管聲沉鼓角哀，空將世運感興衰。
一天風鶴驚淝水，午夜淋鈴咽馬嵬。
國事雖非仍左袒，鄉音已遠更南來。
建康自古多羣屐，誰是當今撥亂才。

過溧陽懷周敬甫及沈葆初昆仲

此邑何瀟灑浩然思故人琴樽宵有夢山水意相親酒熟誰家社泉通幾處隣高蹤今已杳花鳥共傷春

過太湖望龜頭渚

故人圍在龜頭渚尺素頻邀避炎暑日困書城竟蹉跎偶過太湖覓其處太湖浩淼水連天星大數點籠春烟津迷村稀夜色裏知在斷岸何處邊有聲惟聞浪澎湃蛟窟龍宮水世界龍宮雖未睹寶珠曾出片石人已怪昔年洞庭洪澤間掛風載月心悠閒舟前禹里百津渡預期皆如念家山今來忽焉不同感物華豈殊心愁慘此行乃思居九

夷非為踐約專遊覽水天茫茫無所親
別爾浮海空露巾
五湖畫屏捲不起蠅蝱鼠牙蒙垢塵

浮海

華夏眼中減風濤催去船
崇明纔盡地黃海欲吞天
客鬢傷蒲柳迴腸怯杜鵑
何時還梓里絮酒掃墳田

舟中吟二首

誕我六十載遊兵春復秋
命同危局碁活向死中
求幾度屋廬燬更番苟且謀
稻梁每不足尚為琴書憂
披霧上巴峽排濤訪瀛洲
憐身若滄水隨決東西流

檻外羨魚樂化鵬擊九霄
槽綸無所施天海遊逍遙
吾生

胡為者片絮藩溷飄亂世希苟全志非在騰超不及一枝
華安然寄鷓鴣艱難掛帆去前路破狂潮

還京草終

